



Comhairle an
Aontais Eorpaigh

An Bhruiséal, 19 Iúil 2023
(OR. en)

12011/23

LIMITE

INST 283
POLGEN 106
CO EUR-PREP 26

Comhad Idirinstitiúideach:
2023/0900(NLE)

NÓTA

ó:	Ardrúnaíocht na Comhairle
chuig:	Coiste na mBuanionadaithe
Uimh. an doic. roimhe seo:	10567/23 +ADD 1-2, 11103/23
Ábhar:	Togra le haghaidh CINNEADH ÓN gCOMHAIRLE EORPACH lena mbunaítear comhdhéanamh Pharlaimint na hEorpa – Togra comhréitigh athbhreithnithe ón Uachtaránacht

Gheobhaidh na toscaireachtaí san Iarscríbhinn togra comhréitigh athbhreithnithe ón Uachtaránacht maidir leis an dréachtchinneadh ón gComhairle Eorpach lena mbunaítear comhdhéanamh Parlaimint na hEorpa.

Chun gur furasta tagairt dóibh, cuirtear líne faoin athrú ar an téacs i gcomparáid leis an gcomhréiteach a bhí ag an Uachtaránacht roimhe seo.

Togra le haghaidh

CINNEADH ÓN gCOMHAIRLE EORPACH

lena mbunaítear comhdhéanamh Pharlaimint na hEorpa

TÁ AN CHOMHAIRLE EORPACH,

Ag féachaint don Chonradh ar an Aontas Eorpach, agus go háirithe Airteagal 14(2) de,

Ag féachaint don Chonradh ag bunú an Chomhphobail Eorpaigh do Fhuinneamh Adamhach, agus go háirithe Airteagal 106a(1) de,

Ag féachaint don togra ó Pharlaimint na hEorpa¹,

Ag féachaint don toiliú ó Pharlaimint na hEorpa²,

De bharr an mhéid seo a leanas:

- (1) Leagtar síos le hAirteagal 14(2), an chéad fhomhír, den Chonradh ar an Aontas Eorpach (CAE) na critéir maidir le comhdhéanamh Pharlaimint na hEorpa, eadhon nach bhfuil líon na n-ionadaithe do shaoránaigh an Aontais le dul thar seacht gcéad caoga, móide an tUachtarán, go bhfuil an ionadaíocht le bheith comhréireach go céimlaghdaitheach, agus go bhfuil íosmhéid de sheisear comhaltaí le bheith ann do gach Ballstát, agus nach bhfuil níos mó ná sé shuíochán is nócha le leithdháileadh ar aon Bhallstát.
- (2) Foráiltear le hAirteagal 10 CAE, *inter alia*, go bhfuil feidhmiú an Aontais le fothú ar an daonlathas ionadaíoch, lena n-ionadaítear do na saoránaigh go díreach ar leibhéal an Aontais i bParlaimint na hEorpa agus lena n-ionadaíonn a rialtais, atá freagrach iad féin go daonlathach os comhair a bParlaimintí náisiúnta nó os comhair a saoránach, do na Ballstáit sa Chomhairle do na Ballstáit sa Chomhairle.

¹ Togra a glacadh an 15 Meitheamh 2023 (nár foilsíodh fós san Iris Oifigiúil).

² Toiliú ón ... (nár foilsíodh fós san Iris Oifigiúil).

- (3) Tá feidhm ag Airteagal 14(2) CAE, dá bhrí sin, faoi chuimsiú na socrúithe institiúideacha níos leithne a leagtar amach sna Conarthaí, lena n-áirítear freisin na forálacha maidir le cinnteoireacht sa Chomhairle.
- (4) Faoi dheireadh 2026 agus roimh an togra maidir leis an gcomhdhéanamh, ba cheart do Pharlaimint na hEorpa modh dáilte suíochán atá oibiachtúil, cothrom, marthanach agus trédhearcach a mholadh chun prionsabal na comhréireachta céimlaghdaithí a chur chun feidhme, gan dochar do shainchumais na n-institiúidí faoi na Conarthaí. Agus tionchar na bhforbairtí a d'fhéadfadh a bheith ann amach anseo á chur san áireamh, ba cheart don mhodh sin líon uasta inbhuanaithe Feisirí a choimirciú.
- (5) Ba cheart don údarás buiséadach agus don Choimisiún, i bhfeidhmiú a sainchumas faoin nós imeachta buiséadach bliantúil, a áirithiú go mbeidh an méadú ar líon na suíochán dá bhforáiltear leis an gCinneadh seo neodrach ó thaobh buiséid de laistigh de Roinn 1 de bhuiséad ginearálta an Aontais.

TAR ÉIS AN CINNEADH SEO A GHLACADH:

Airteagal 1

Agus Airteagal 14(2) CAE á chur i bhfeidhm, urramófar na prionsabail seo a leanas:

- ní rachaidh líon iomlán na suíochán i bParlaimint na hEorpa thar 750, móide an tUachtarán,
- beidh leithdháileadh na suíochán ar na Ballstáit comhréireach go céimlaghdaitheach le híostairseach de 6 shuíochán agus le huastairseach de 96 shuíochán in aghaidh an Bhallstáit agus léireoidh sé chomh gar agus is féidir méideanna dhaonraí na mBallstát faoi seach,

- sainmhíntear comhréireacht chéimlaghdaithe mar a leanas: an cóimheas idir daonra agus líon suíochán gach Ballstáit sula ndéantar slánú suas nó síos go dtí an tslánuimhir is gaire, athróidh sé de réir a gcuid daonraí faoi seach ar chaoi go ndéanfaidh gach Feisire de Pharlaimint na hEorpa arb as Ballstát dó nó di ina bhfuil níos mó daoine ionadaíocht do líon níos mó saoránach ná gach Feisire de Pharlaimint na hEorpa arb as Ballstát dó nó di ina bhfuil níos lú daoine agus, os a choinne sin, gur mó an teideal a bheidh ag Ballstát chun líon mór suíochán a bheith aige i bParlaimint na hEorpa más airde an daonra sa Bhallstát sin,
- tá leithdháileadh na suíochán i bParlaimint na hEorpa le féachaint ar fhorbairtí déimeagrafacha sna Ballstáit.

Airteagal 2

Ríomhann an Coimisiún (Eurostat) daonra iomlán na mBallstát ar bhonn na sonraí a sholáthraíonn na Ballstáit, i gcomhréir le modh arna bhunú trí bhíthin Rialachán (AE) Uimh. 1260/2013 ó Pharlaimint na hEorpa agus ón gComhairle³.

Airteagal 3

1. Déantar líon na n-ionadaithe i bParlaimint na hEorpa a thoghtar i ngach Ballstát do théarma parlaiminteach 2024 go 2029 a shocrú mar a leanas:

an Bheilg	22
an Bhulgáir	17
Poblacht na Seice	21
an Danmhairg	15
an Ghearmáin	96
an Eastóin	7
Éire	14
an Ghréig	21

³ Rialachán (AE) Uimh. 1260/2013 ó Pharlaimint na hEorpa agus ón gComhairle an 20 Samhain 2013 maidir le staidreamh déimeagrafach Eorpach (IO L 330, 10.12.2013, lch. 39).

an Spáinn	61
an Fhrainc	81
an Chróit	12
an Iodáil	76
an Chipir	6
an Laitvia	9
an Liotuáin	11
Lucsamburg	6
an Ungáir	21
Málta	6
an Ísiltír	31
an Ostair	20
an Pholainn	53
an Phortaingéil	21
an Rómáin	33
an tSlóivéin	9
an tSlóvaic	15
an Fhionlainn	15
an tSualainn	21



Airteagal 4

Fada go leor roimh thús théarma parlaiminteach 2029-2034, agus más féidir roimh dheireadh 2027, cuirfidh Parlaimint na hEorpa togra le haghaidh leithdháileadh nuashonraithe suíochán i bParlaimint na hEorpa faoi bhráid na Comhairle Eorpaí, i gcomhréir le hAirteagal 14(2) CAE.

Airteagal 5

Tiocfaidh an Cinneadh i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Arna dhéanamh sa ...

Thar ceann na Comhairle Eorpaí
An tUachtarán